

卷之十一

高太史大全集卷之二

吳郡高啓季迪著

南州徐庸用理編

樂府

秦箏曲

嬌絃細語發
砑羅臂動玉釧鳴
相和關雲隴
月愁思
多愁思多聽此曲
停蜀琴
罷燕筑

沒軍行

關中惡少年
占募去防邊
匈奴入寇塞
將軍下自天
楊旌三道出
列格五營連
龍城望兵氣
馬邑斷人烟
星攢烽夜舉
月偃陣朝圓
渴飲疏勒水
飢殍屬國糴

名勇單于憚功多天子憐寧令寶車騎獨擅勒燕然

大梁行

大梁四面平如砥西去咸陽一千里魏王此地昔為
都宮闕中天碧雲起車聲輻、夜未休帶甲十萬名
蒼頭撞鍾列鼎宴上客奉金走幣連諸侯信陵真是
賢公子富貴不騎天下士已訪侯嬴到里門復迎朱
亥經屠市傾身折節世莫同緩急竟賴斯人功邯鄲
秦軍一椎破七國震動聞英風古城重過為搔首幾
度秋風落楊柳治上應無鴻雁來苑中只有狐狸走
立馬塵沙日欲昏悲歌感慨向夷門豪華多少同銷
歇獨有高名今尚存

東飛伯勞歌

前飛蜻蜓後飛蝶桃葉楊枝每相接誰家季女弄春
妍披煙映日窓戶前金雀雙釵翠羽扇纈屏繡帳文
羅薦嬌羞年幾十五多將呈復隱柰愁何流暉倏沒
百花暝空持可憐誰作並

春江花月夜

皓月金波滿奇花玉樹新浮輝与流艷併弄一江春
還持誰可比結綺閣中人

踏歌行

香塵和露踏成泥花下風寒鬢脚低夜靜高樓有人
聽起頭一句唱教齊

子夜四時歌

白々復朱々芳條冒綉襦摘來隨女伴賽鬪不曾輸
紅粧何草々晚出南湖道不忍便回舟荷花似郎好
堂上織流黃堂前看月光羞見天孫度低頭入洞房
空幃擁爐坐夜冷微紅滅即意似殘灰無因得重熱

迎送神曲

薦芳兮奠醑斷冰為梁兮葺荷以為宇神不來兮孰
與處空山恹兮暮多雨漱吾望兮瀟湘雲冥々兮水
茫々有美人兮在堂盍歸來兮故鄉

赤鯉兮後玄鼉冷風回兮水驚波儼靈旗兮來下
巫撫節兮安歌々々兮未極倏迴輶兮山之側南有

淵兮北有湫神不留兮我心憂願歲來兮惠我秋

有所思

有所思今安在烟霞迢々隔南海昔年遺我翡翠裘
篋中久閉銷光彩宛如神仙在瀛洲乘濤欲至風引
舟同心之人乃離阻嗟我處此將何求

吁嗟篇

惻々抱深隱靡々踰崇丘凜々歲欲徂役々車未休
不辭車未休但傷歲莫留窮陰蔽九野徒旅同時憂
豺虎當路啼猿猴出林遊我飢雪作糧我寒又無裘
徒思陽春日誰返羲和輶天音自有常淚下還復收

擊筑吟贈張贊軍

擊筑上君堂君心不可忘哀聲流易水憤氣激咸陽
不向諸侯座寧來刺客場今朝特前奏為我一停觴
苦哉遠征人

悠悠荷戈子謫戢事遠征遠征無窮期千里萬里程
瞻斗知鄉遠覽物悟歲更霜露鑠肌膚弊鎧蟻虱生
况茲三邊虜驕黠未易平聞笳已心摧赴刃乃骨磔
軍興有嚴誅賤命願自輕區區在行間敢望竹帛名
奈何久不還主將功未成誰怜城南室思婦感鵲聲

愛妾換馬曲

出帷掩紅袂離廐結青絲我取躡雲足君憐羞月姿
惟當樹功業詎必恋恩私回首各已遠春山將暮時

美人磨鏡詞

匣中舊鏡龍蟠背昏盡如同月逢晦尋得街頭負局
翁粉鉛和汞拭青銅須臾瑩徹無纖翳試整朝來暗
梳髻光明還在只如新悔向塵埃久相棄明日照儂
自畫眉不須問即宜不宜

朝鮮兒歌

朝鮮兒髮綠初剪齊双眉芳迺夜出對歌舞木綿裘
軟銅鑲垂輕身回旋細喉轉蕩月搖花醉中見夷語
何須問譯人深情知訴離鄉怨曲終拳足拜客前烏
啼井樹蠟燈然共訝玄菟隔雲海兒今到此是何緣
主人為言曾遠使萬里好風三日至庶走荒宮亂寇

過鷄鳴廢館行人次四月王城麥熟稀見行道路兩
啼飢黃金擲買傾裝得白飯分食趁舶歸我憶東瀛
內臣日納女榭房被禱翟教坊此曲亦應傳特奉宸
遊樂朝夕中國年來亂未鋤頓令貢使入朝無儲皇
尚說屋靈武丞相方謀卜許都金水河邊幾株柳依
舊春風無恙否小臣撫事憶昇平尊前淚瀉多於酒

野老行

棄簷初鳴麥花落大家小家蚕滿箔村中無吏夜投
人老身醉歸行失脚自淺明府一下車短衣糲飯即
有餘姓名免籍弓弩手新婦辟纊兒讀書縣門前頭
柳飛絮春風又隨官馬去鷄鳴相送拜道邊顧公受

取一大錢

秋江曲送顧使君

秋江月滿秋潮大江上行人待潮過別離休說渡江
難半日順風舡穩坐楚鄉茫、葭蕩平使君來時雄
雉鳴子弟從軍隔江去幾家猶住夕陽城水田雖荒
飯常足芡米夜春三十斛誰道繁華不及前戶無征
稅官無獄渡江渡江君莫留江北樂似江南秋

湖州歌送陳太守

草茫々水汨々上田蕪下田沒中田有麥牛尾稀種
成未足輸官物侯來梁下搖玉珂聽儂試唱湖州歌
湖州歌情終闕幾家愁苦荒村月

鑿渠謠

鑿渠深一十尋鑿渠廣八十丈鑿渠未苦莫嗟吁黃河曾開千丈餘君不見賈尚書

荆門壯士歌

水洶、水差、荆門葉黃杪秋時上有騰攫之猿猱下有饑嚼之蛟螭悲哉此路難孰敢徑渡之三撫髀壯士起劍風騷勞髮上指仰天長歌不見星哀鴻夕叫雲冥、

城虎詞

候潮門開啼早鴉有雨忽入居人家毋見畏雪風鷄犬伏排籬突戶誰能遮猙風動樹初哮吼雄起東營長

生手怒拔長戈試一春目光落地倏魂走南山蕪蕞深冥、白日橫行誰敢搜胡為離窟來城市牙爪雖全不堪恃君不見壯士遭急縛失路窮時亦如此

寒夜吟

月下凍痕生綠井隔簾霜片飛無影樹枝風息轉迎寒愁人如鳥棲未安夜短夜長應獨覓、殘燭鳴鳴角

戍婦詞

妾在當奉姑郎行當報君男女各有從死生從此分

羈旅行

馬頭北風吹地白手冷時驚墮鞭索隸堠欲來雙堠

過客程不盡，閑山多狐狸。縱橫古城壞，旗折官亭無。
酒賣土風處，殊故園鄉音。只聞僮僕言，天涯歲晚
無相識。囊金已空歸，不得暝投人家。自炊黍土屋，青
燈鴈啼雨。此時暫解羈旅憂，夢與家人夜深語。人生
出門即苦辛，何況長為萬里身。遠遊總得功名好，不
如貧賤鄉中老。

少長干曲

郎採菱葉尖，妾采荷葉圓。石城愁日暮，各自撥歸舡。

春江行

春江南北疑無所，綠草綠波連不斷。一女紅粧出浣
紗，恰如鏡裏見。桃花袂衣猶冷，過寒食雲度春陰半。

江黑浦口風多潮，正深輕舟搖蕩似人心。鷓鴣暮啼
歸路遠，飛絮茫茫，楚王苑。

寄衣曲二首

郎寒甚，妾寒持衣向燈泣。不是手縫遲，綿多針線澁。
賜袍非不暖，妾製衫郎身寄去。龍堆遠，端愁到已春。

癡宅行

鳴珂坊裏將軍第，列戟齊收朱戶閉。里媪逢人說舊
時，有癡被奪廣園池。今年沒入官為主，散盡堂中義
宅兒。厨煙久斷無梁肉，群鼠飢來入隣屋。官封未與
別人屋，日閑苔雨添綠曲。閣深沉接後房，畫屏生
色暗無光。尋常不敢偷窺處，守卒時來拾墜璫。春風

多少奇花樹又有豪家移得去

青樓怨

浴金熏爐鏤玉奩蘭香今夜為君添烏樓黃昏烏起
曙曉見道來還道去

聞角吟

驚起黃榆塞下鴻一聲鳴軋戍樓空此時吹動關山
意十萬征人歸夢中玉帳尋弓夜初起月白不知霜
似水餘聲散作滿天愁風吹不入單于壘

刺促行

刺促復刺促天高白日速黃鵠長苦飢烏鳶飛食肉
促刺復促刺長途多荆棘但見今人行不逢古人跡

牧牛詞

尔牛角彎環我牛尾秃速共拈短笛与長鞭南隴東
岡去相逐日斜草遠牛行遲牛勞牛飢唯我知牛上
唱歌牛下坐夜歸還向牛邊卧長年牧牛百不憂但
恐輸租賣我牛

捕魚詞

後網初沉前網起夫婦生來業淘水忽驚網重力難
牽打得長魚滿舡喜不教持賣去南津且向江頭祭
水神願得年々神作主無事全家卧煙雨不論城中
魚貴賤換得酒歸儂不怨

養蠶詞

東家西家羅來往晴日深窓風雨響二眠蚕起食葉
多陌頭桑樹空枝柯新婦守箔女執筐頭髮不梳一
月忙三姑終後今年好滿簇如雲蚕成早簷前繰車
急作絲又是夏稅相催時

射鴨詞

射鴨去清江曙射鴨返迴塘晚秋菱葉爛烟雨晴鴨
羣未下媒先鳴草翳低遮竹弓殼水冷田空鴨多瘦
行舟莫來使鴨驚得食忘猜正相鬪鬻啞、毛襪、
潛機一發那得知

伐木詞

竹檐拋多兩肩赤礪斧時尋澗澗石老夫氣力秋漸
衰易斫喜有枯林枝白雲無人暗空谷遠鵲丁、如
啄木暮歸待伴不獨行前途虎多荆棘生長年不曾
到城府聞比山中路尤阻

打麥詞

雉雛高飛夏風暖行割黃雲隨手斷踈莖短著牛尾
垂去冬無雪不相宜場頭負歸日色白穗落連枷聲
拍、呼兒打曬當及晴雨來怕有飛蛾生卧驅鳥爵
非愛惜明年好收溢尔食

采茶詞

雷過溪山碧雲暖幽翬半吐槍旗短銀釵女兒相應
歌篋中摘得誰最多歸來清香猶在手高品先將呈

太守竹爐新焙未得嘗
籠盛販与湖南商
山家不解種禾黍
衣食年年在春雨

賣花詞

綠盆小樹枝，好花比人家
別開早陌頭，擔得春風
汙美人出簾，聞叫聲移去
莫愁花不活，賣與還傳種
花訣餘香滿，路日暮歸猶有
蜂蝶相隨飛，買花朱門
幾迴改不如，檐上花長在

洞房曲

洞房香吐合昏花，月轉勾欄啼乳鴉
今宵有酒留君醉，不信娼家勝妾家

待月詞

漏板敲愁夜，驚冷露井挑花濕
無影海風吹星銷，碧烟弄妃粧
遲鏡未懸，素鸞不來，桂香死雲外
紫篁呼夢起，瓊樓欲開天
半紅徘徊望拜娥，池東蘭闥未返
燈寒後恰似前宵待，即久

惜花歎

惜花不是愛花嬌，賴得花開伴寂寥
樹長懸鈴索，護籠頻引鹿盧流
幾回欲折花枝嗅，心恐花傷復
停手每來花下，每題詩不到花前
不持酒，準擬看花直盡春
今未盡已愁人，總留片夢依前砌
全落千英過，別憐懊惱園中
妬花女畫幡不禁狂風雨
流水殘香一夜空，黃鸝魂斷無言語
縱有星在，蘇衣拾

來已覺損光輝只應獨背東窓卧夢裏相隨高下飛

照鏡詞

君家青銅鏡價重比黃金空持照人面不持照人心

田家行

草茫々水汨々上田蕪下田沒中田有禾穗不長狼藉只供鳧鴨糧雨中摘歸半生濕新婦春炊兒夜泣

憶遠曲

楊子津頭風色起郎帆一開三百里江橋水柵多酒壚女兒解歌山鷓鴣武昌西上巴陵道聞郎處々經過好櫻桃熟時郎不歸客中誰為縫春衣陌頭空問琵琶下欲歸不歸在郎足郎足郎心重利輕風波在家日

少行路多妾今能使烏頭白不能使郎休作客

金井怨

照水羞見影汲水嫌手冷閑立梧桐陰烏啼秋夜永

送客曲

送客車在門勸客杯在手明日長安花今夜宜城酒願客飲此勿復辭我無黃金為客壽人生無處無弟兄鄉里刺促誰知名賣書買得百金劍有身須向關山行馬四蹄車兩轂行人欲發休躑躅嚶々鷄鳴赤

日旭

里巫行

里人有病不飲藥神君一來疫鬼却走迎老巫夜降

神白羊赤鯉縱橫陳男女殷勤按前拜家貧無肴神
勿怪老巫擊鼓舞且語紙錢索陰風多巫言汝壽
當止此神念汝虔賒汝死送神上馬巫出門家人登
屋帝招魂

主客行

主人楚歌客楚舞落日黃雲鴈鵲苦吳拂腰間寶劍
光美人滿堂色如土大見北海人中奇小兒能讀書
娥碑相逢且莫歎貧賤但頭有酒無別離君不見平
原墓上生秋草國士無窮道傍老

春夜詞

杏烟濕髮秋千下銀蟾光寒曲屏畫數漏閒過每睡
時月明微見墮遊絲欲歸自踏娉婷影風動玉釵花
亦冷屋貯嬌愁鎖慢紗青絲嘶騎醉誰家管弦不動
空臺榭夢与烏衣語中夜

新絃曲

舊絃解新絃張冰絲牽愁六尺長寬急頻泛指邊聽
金鴈參差移不定新絃響高調易促不如舊弦彈已
熟憐新感舊妾恨深為君試奏白頭吟他日愁如舊
絃棄泣向羅裙帶頭繫

竹枝歌六首

蜀山消雪蜀江深郎來妾去鬪歌吟峽中自古多情
地楚王神女在山陰

魚復浦上石罍，恰似儂心無轉廻。船歸莫道上灘，惡自牽百丈取郎來。

江水出峽過夔州，長流直到海東頭。郎行若有思家日，應教江水復西流。

躑躅花紅鴨鵝飛，黃牛廟下見郎稀。大船攤錢賣鹽去，短釵簪菜負薪歸。

妾愛看花下渚宮，郎思沽酒醉臨邛。春衣未織機中錦，只是長絲那得縫。

楓林樹，有猿啼若箇聽。來不慘悽，今夜郎舟宿何處。巴東不在定巴西。

轉應詞二首

雙燕雙燕去歲今年相見，注來東舍西家，嚼得泥中落花。花落花落，人在暮寒池閣。踈雨踈雨，綠蒲靡蕪洲渚。江南相憶，故人遠水，遙山暮春。春暮春，暮風急，盡舡難渡。

五雜組二首

五雜組，駝背鞵，往復還，渡口舡不獲。已非少年，五雜組，錦綉旗，往復還，更成兒不獲。已遭亂離。

五噫歌 弔梁伯鸞墓

顧瞻亭泉兮噫丘墳，有蒿兮噫瓊春。亦勞噫危邛，可逃兮噫先生。何高兮噫。

豐韻吳宮詞

延前憐嬋娟醉媚睡翠被精兵驚升城棄避愧墜淚

鶴媒歌

鶴媒獨步荒陂水仰望雲間不飛起遠過鳥下南汀
鼓翼相迎似相喜共為羽族生水鄉暫從飲啄無猜
防草盾俄開中潛弩弋師謹咲媒矜舞嗟爾高潔非
凡禽胡為狗食移此心受人馴養忘遠舉好陷同類
機腸深嗚呼世間幾人彌君子得利相傾亦如此

牛宮詞

豕豢于茲雞棲于塙嗟尔烏犍何所止斯歲聿云暮
雨霜以風乃築環堵以為尔宮既用爾力宜恤尔寒
庇處密固我心孔安

照田蠶詞

東村西村作除夕高炬千竿照田赤老人笑祝小兒
歌願得宜蚕又宜麥明星影乱棲烏驚火光辟寒春
已生夜深然罷歸白屋共說豐年真可卜

琴操

風樹操予自傷早失恃怙而作

朝風之飄兮維樹之搖兮吾思親之翹兮夕
風之烈兮維樹之揭兮吾思親之憝兮樹之
有風猶可息兮吾之無親終不可復得兮

之荆操余思泰伯之德而作

粵我有土岐山之下孰是營之維我考祖今我子邁

自岐徂荆豈不懷歸念我弟兄民勿我思我斯之只
國已有后先君季子

登丘操登青丘有懷而作

驅車兮與馬蹇吾行兮胡為乎在中野登彼兮崇丘
下茫兮九州思君子兮不得與駕以遊山有出雲
兮木亦有柯我將歸兮憂之如何

望歸操哀周復子死於虎而作

兕旦而出于山之麓兮兕夕不歸在廟之腹兮我往
無所榛蒙籠被谷兮嗟尔耽兮弗食我豕犢兮穴亦
有子胡寧使我獨兮

辭

望雲山辭

冀山峩兮出雲油兮胡歛其施兮弗雨九州下有
蛟龍兮海波橫流誰使子乘兮從伯氏以游朝于濟
兮望岐周國有祀兮有何求唐虞逝兮道阻脩慚德
輿兮干戈日休我思夫人兮心焉孔憂

放鶴辭登支遁放鶴亭而作

放鶴去當高飛啄莫爭鷄鴒為食遊莫近唐羅機雲山
海嶠堪來往明月千秋待爾歸

吊伍子胥辭

覽勾吳之故墟兮灌莽鬱其龍葭館娃廢而為沼兮
歸伍胥之遺宮奚千祀而勿毀兮繫若人之死忠昔

窮通而渡江兮奮孤跡於羈旅既入郢而雪耻兮又
棲越而攘侮使彼吳之強大兮非夫子而孰為何夫
差之自喜兮遽忽戒而荒娛陳昌言之悃欵兮寔不
忍視國之阽危衆以子為叵信兮肆詭辭之詆欺夫
豈不能全身遠適以自庇兮顧先王之舊德卒待隕
而何言兮恨終不能寤君之變惑載鴟夷兮浮游魂
惇兮在中流江神念子兮哀憤鼓洪濤於高秋嗟
君子之出輔兮孰不願為伊臬使言從而志行兮致
雍熙之陶兮何齟齬而多患兮惟重華之不可以屢
遭鄂侯諱而就醢兮龍逢諫而見屠蓋自古而有之
兮匪夫子獨罹乎此辜身雖歿而義安兮又舍是將
焉索彼循默而有容兮寧獲免乎泚額想子猶念未
故都兮或乘雲而來歸顧荆棘之多露兮應攬涕而
歔歔余亦何為而感慨兮懼直道之墜也聊陳詞而
表烈兮亦邦人之志也

三言

梧桐園

桐花香桐葉冷生宮園覆宮井雨滴夜風驚秋鳳不
來君王愁

三四言

五伯敬歌

舟初維琴始薦驛亭邊夜相見譎死轉情綢繆解環

珮彈空篔簹易闌情難歇江波寒墮明月綠壺再傾
芳音欲遠譬彼林鳥逢晨各飛羅衣沾霜城鳥忽起
明日相思孤棹千里

常熟錢允輝助刊

高太史大全集卷之三

吳郡高啓季迪著
南州徐庸用理編

五言古詩

擬古十二首

其一

慕々墻下李芄々陂中麥浩々望遠塗悠々思行客
客行歲已盈紆鬱傷我情始知失群鴻不若求友翼
登山知天高臨流識川阻不遣懷同心邾知別離苦
別離不可久寂寞不可守自傷紅顏子相思成皓首
朝日如不晚行人會當返

其二

嵯峨雲間樓俯視層城陰綺戶相洞開清飈拂羅襟
上有離屋婦哀歌撫弦琴不知中怨誰掩抑一何深
初為郢中唱再奏邯鄲吟不惜努力歌寫作絕代音
風吹落君耳萬里知愁心曲盡思寂寥青天日西沉
安得化彩鳳飛去巫山岑

其三

出郭見丘墓壘滿山阿四海能幾人逝者何其多
封樹日蕭條狐狸走蓬科英靈無人弔牧兒暮來歌
浮華一古中倏若飛鳥過生時不肯飲死沒將如何
其四

離、白雲翔悠悠、清川逝天地如傳翻閱人以為世
良時難再得游樂咸陽中咸陽名都會衣冠集王公
南山對魏闕嘉樹何寵恣九衢十二城逶迤迥相通
衛霍開上第車馬爭春風娛意勿自惜當至百年終
其五

東井不可飲威弧孰能張虛名竟何用千古同悲傷
與君初結歡金石比中腸息情忽乖分相望阻川梁
閨門尚難越况彼道路長不如雲中鷹迴飛自隨陽

其六

促織何嘖嘖、空庭寒露白蘭蕙辭故芳高梧銷華澤
閨中覽物變感歎當此夕引領望遠人天河西南隔

舟行詎離水針運恒依石君雖有棄損妾心誓無易
其七

置酒北堂上歡言宴佳賓
復為誰相過盡朱輪
中庖炙肥牛登俎悉異珍
左右燕趙姝羅綺騎上春
清謳雜哀吹響激迴高旻
主勸客復酬中抱各以伸
盛年易傾謝為樂願及辰
請看舊同遊半作泉下人
無為苦刺促長憂賤與貧

其八

美人一相見遺我白玉環
上有雙雕龍遊戲在雲間
持此感深意佩結無時閒
玉以比貞潔環以明不絕
雲龍永相送誰能使離別

其九

秋至衆芳歇芙蓉獨鮮妍
朱華照綠水日暮涼風前
采折難遠贈相看自嬋娟
孤豔豈足賞後凋良可憐

其十

明星爛東方北斗亦已旋
獨宿悲夜祖空床藉蘭荃
鷄鳴慙環佩思奉君子造
君子行未歸新粧為誰妍
意踈覺去遙只尺越與燕
含情之彤管何以寫中情
君如綆上瓶妾若井底泉
不垂汲引惠澄瑩迄終年

其十一

人生一漚水所欲乃無涯
志意若未畢容華忽然衰
天地有終壞誰能待其期
聊為一日歡勿作千載悲

神仙俱好飲得醉復何疑

其十二

黃鳥鳴春陽流芳蒲西園攀條日已暮悵惋不能言
禦寒必重裘涉道須雙轅離屋非君子何以解憂煩
煩憂日已積佳期日已失思君如蓬萊可望不可即
區區儻見察憔悴甘自畢

寓感二十首

其一

天旋海水運日月馳奔輝不知此往來伊誰幹其機
諒由任元氣推遷不能違人生處宇內行止無定依
唯當乘大化逍遙隨所歸

其二

鷄鳴一警旦陽鳥已東升群動紛自起各欲赴其生
飢蠅土中出棲禽林外驚蒼蠅一何微翾颺亦飛鳴
人生信多故安得免營營

其三

盛衰迭乘運天道果誰親自古爭中原白骨遍荆榛
乾坤動殺機流禍及蒸民生聚亦已艱一朝忽胥論
陽和既代序嚴霜變肅晨大運有自然彼蒼非不仁
咄：堪嘆嗟滄溟亦沙塵

其四

美女生貧家先艷人未識遠聘入楚宮揚蛾欲傾國

朝遊瓊臺上夕侍金輿側奉歡擬千齡秋風失顏色
銜恩歸永巷貞意徒寂默高天星墮作水底石
人事尽如斯推移歎何極

其五

菘蘭生路隅馥有奇香路隅多行人采掇成摧傷
深林雖幽獨秋至霜餘芳托根在得所君子蹈其常

其六

蚩々此群氓幾人出其儔誰云抱智慮乃是資勞憂
晨秣思遠騁宵披務窮搜懷古復慨今百念紛相投
膠擾得喪間若与方寸仇安知廣成子冥卧昆侖丘
無營亦無想八表獨神遊

其七

大道本夷直末路生險巖孟酒出肺肝湏臾起相疑
田蚡排竇英趙高誣李斯傾擠不少假權寵實苗基
鑿井當得泉種桑會成絲禍福皆自致天道信難欺
出亡無所舍千載使人悲

其八

志士徇功業貪夫詫輕肥亦有逃群子矯々與時違
彼此更共笑不知誰是非達人體自然出處兩忘機
浮雲游天表舒卷有餘輝

其九

攬轡登大行遙望洛北州嶠函正西峙黃河復東流

百城無遺堵雲煙莽相繆朝作冠蓋塲莫為狐兔丘
昔人爭此地干戈迭相讎當其得意時連陌擁鳴騶
百年奄忽盡魂魄空來游曷見采芝叟冥栖無所求

其十

桃李初不語鳳凰豈長喧未俗矜辯議窮口禍之源
所以國武子殺身由盡言妙哉無為謂默道斯存

其十一

人言異草木不若松柏壽欲於百年間辛苦蓄不朽
形質天所畀名姓吾自取形名兩未立誰我竟何有
不能知吾先奚暇恤我後遺臭與流芳冥然付杯酒

其十二

短褐乘藁狐裘駕文車西門與北宮窮達一何殊
彼達矜已智此窮愧身愚東郭發至言兩惑各以祛
厚薄有定命巧拙果誰欵歸卧掩蓬室道存何所吁

其十三

驚馬放田野志本在豐草偶遇執策人驅上千里道
顧非乘黃姿豈足辱君早負重力不任哀鳴望穹昊
奈何相逢者猶羨羈絡好

其十四

頽陽在川上玄蟬夕鳴悲嫺々風起々翻々葉辭枝
曠望天宇內沉寥此何時朱火已々謝清商屆其期
覽鏡忽自嗟綠髮生素絲万物有榮悴造化豈吾私

其十五

躑躅遠遊子驅車上高山高山多隴坂悲哉路何艱
其顛摩蒼穹欲上不可攀日暮牛力疲前征未能閑
双輪忽中摧一墮深谷間引領望黃鵠失路何當還

其十六

蜀琴有奇絃本是枯桐枝一彈舞鸞鶴再彈下靈祇
曾持薦黃帝雲中奏咸池棄置久不調流塵被朱絲
終焉含妙響未始有成虧

其十七

達人貴全生外物等秋草顧此七尺軀即為萬金寶
昧者營所嗜棄捐不待老豈無室中資它人是來保

何如餌金液長令髮顏好

其十八

千秋取丞相一語悟君衷長孺多讜言白頭擯五東
人命有通塞主聽無違泛失如魚去波得若雲遙龍
會合感冥相佳期諒難逢下生未聞道無事涕沾胸

其十九

南山多浮雲北山有高樹因風暫來依風回復飛去
兄弟滿四海幾人此相遇握手交百歡世滋千慮
踪跡不可常無為嗟去住

其二十

鴻鵠橫四海鷦鷯戀蓬榛長松凌風烟小草亦自春

各稟造化育道遙適其真無將赫々者下比棲々人
詠隱逸十六首

向長

子平謝累辟雅志在隱居家貧或有饋取足反其餘
讀易深自悟謂賤貴不如教言嫁娶畢家事毋閑余
同好有禽生肆意相与娛茫々五岳去孰得回其車

周黨

世祖初厭武關觀在東都使者遍岩藪旌帛名略儒
伯况亦暫起綃頭詣尚書引見伏自陳始願不敢渝
周興有耻食堯禪或羞汙士固存本志聖主焉能拘
忘生乃見巖岫爾何其愚

王霸

儒仲有清節始一應徵命造廷抗高節不肯臣萬乘
歸来自耕野蓬藿掩門逐翻々故人子相過容服盛
一念見曹羞客去卧如病頼有賢婦言不失初守正
嘉遜遂終身清輝兩相映

梁鴻

伯鸞古賢人乃在杵臼間夫婦共守志逸名入深山
淒涼五噫歌東出過帝關齊魯復荆吳長往遂不還
為傭豈無勞顧已少外患終葵烈士旁高風邈誰攀

法真

高卿關西儒好學賤榮祿閉門不交世弟子相誦讀

太守者何人欲以吏見錄誓在南山南胡肯勞按牘
連徵終不就皦々離垢俗郭子有頌詞玄德久愈暴

韓康

伯休始賣藥志將晦當時如何不二名乃為女子知
玄纁強見聘使至焉得辭凌晨自先發不駕安車馳
亭長遠迎候未識徵君誰脩道奪其牛解与不復疑
中途遂長遁踪跡竟莫追乃知超雲驥塵戀何由羈

陳留老父

漢衰黨獄起朝柄在刑餘皇々外黃令去官返鄉閭
班草逢故人涕泣語路隅邦危德無援忠良恐遭誅
有叟過其傍值杖為踟躕瞻之歎且言何悲二大夫

鸞鳥鳳不隱羽安能免豈學欲問不肯願飄然邁長途
賢哉此老翁噤々乃誰與

龐公

南陽有龍鳳乘時各飛翻鴻鵠獨深棲不肯居籠樊
皦々隴上耕遠辱刺史軒豈不念子孫遺安乃名言
采藥不復返亭々空庶門

王績

無功始亦仕季代遘亂屯投効乃徑歸不作嬰網鱗
結廬河渚北喜与瘖士隣相逢雖多言不若無語真
種黍養鳧雁逍遙度秋春乘牛過酒家留連或經旬
嗜飲豈沉湎醉鄉可逃身北門与樂署暫屈誠此回

賢哉焦史妻相饋不厭勤酣歌自遣世稽阮其能倫

朱樵推

祭酒絕俗者曳索復被裘自匿林莽間不入城都遊
織屨易米茗於人又何求俛、高長史延見禮甚脩
瞪視雖不言默教意已周欲使如曹叅無事治一州
忽去返山谷避寢安可留

武攸緒

孽后移寶鼎同姓咸析珪獨去謝親寵龍門事宜棲
澹泊如素嘗衣褐復茹蕪賜器不肯御床頭委塵泥
族人豈不華回首已粉齏苟榮禍必集達識乃弗迷
蛻衆濁中名与嵩高齊

盧鴻

顯然守泰一高卧在幽壤開元始求治賢哲勞夢想
詔書起若扁宸意勤挹仰入京遽還山孰得縻以軼
天子遂其高營室致安養爵祿不可加貪士應泚頽

秦系

公緒避時亂不駕戎府車南安大松間卜築聊可居
穴石為巨硯坐衍老氏書刺史致羊酒歲時造其廬
不拒亦不謝偃息每自如懷道誠可稱工詩乃其餘

陸龜蒙

曾望好任散心与太古期俗夫晨叩門不肯一見之
下田与江通終歲恒苦飢秣刺不告勞常師禹胼胝

酒酣發長歌猶有憤亂悲寧不念枯槁行哉豈其時

漢濱老父

漢濱有老翁初不語鄉里天子雲夢遊盼望臨污水
居人悉縱觀翁獨耕不已即官下道問答言野人耳
借問世立君豈將使為理奈何從遊俠勞人奉諸已
尚忍令人觀吾實為子耻忽如驚鴻騫孰能躡其軌
各姓且莫知超哉隱君子

張志和

超々玄真子游浪煙水中敝舟以為家來往無定踪
自言處大虛四海長相從奴婢兩夫婦耕織粗可供
天子不得見丹青繪其容漁歌復識聞山水貌且重

吳越紀述十五首

始發南門晚行道中

歲暮寒亦行征又有常期辞我家鄉樂適彼道路危
酒闌別賓親驅車出郊岐我馬力未痛已越山与陂
回頭望高城落日雲樹滋遭亂既少安謀生復多飢
途逢往來人孰不為此馳遠遊亦吾志去矣何勞悲

渡浙江宿西興民家

掛帆無天風到岬日已夕捨舟理輕裝欲問古鎮驛
瀟灑聲迴奔氣積僕夫夜畏虎告我勿遠適
望林投人家炊黍旋敲石寒眠多虛警我體若畏席
誰云別家遙數日已在客今宵始驚歎東西大江隔

早過蕭山厖白鶴柯亭諸郵

客起何失早村荒絕鷄鳴况時江雨晦不得見啟明
凌兢度高関山空縣無城隔林聞人呼已有先我行
側身避徑滑聚足防厓傾衣寒復多風濔々遠水聲
千峰霧中過不識狀与名峯開見前郵始覺厯數程
鷗鷺啼楓篁冷日傍午晴烟生沙墟寂菜落澗寺清
登臨亦可悅但恨時非平

次錢清謁劉寵廟

亭々樹間祠落日小江口停舟拜孤像開幔蒼鼠走
憶公治邦時德感山谷叟臨行謝其饋清風在茲久
我方東征急不得奠杯酒惆悵出烟扉殘村夜聞狗

登蓬萊閣望雲陽秦望諸山

旅思曠然釋置身蒼林杪群山為誰來厖々散清曉
竒姿脫霧雨奮首爭欲矯氣通海烟長色帶州郭小
曲疑歲啼猿橫恐截歸鳥流暉互蕩激下有湖壑繞
佳處未遍經一覽心煩了秦皇遺跡泯晉士流風杳
願探金匱篇振袂翔塵表

聞長槍兵至出越城夜投龕山

列藩逼戎亂駐鉞實此州如何殺大將王師自相雉
我来亂始定城郭氣尚愁又聞有隣兵倉卒豈敢留
促還出西門天寒絕行輟古戍暗雨雪旌旗暮悠々
野屋閉不守澤田棄誰收屋人且奔逃游子安得休

逶迤蒼山去，決瀉玄雲浮。人雨爭夜行，風榛嘯岩幽。
我徒戒相親，一失未易求。飢拾谷口粟，寒燒澗中楸。
神迷路多迂，再宿達海陬。雖嘗登頓勞，幸免迫辱憂。
聖尼畏於匡，嗟我敢有尤。但慙去越早，不遂名山遊。
夜抵江上，候無至曉始行。

夜辭西陵館，霜谷猿叫歇。津卒未具舟，天險不可越。
漁商雜候渡，寒立沙上月。蒼烟隱遙汀，益覺潮漲濶。
開橈散驚鳧，海色曙初發。曉嶺前山來，稍嶺後嶺沒。
中流聞鼓角，隔岸見城闕。客路得竒觀，臨風悶俱豁。

登鳳凰山尋故宮遺跡

茲山勢將飛，宮殿屢葺上。江潮正東來，朝夕似奔響。

當時結構意，欲敵汴都壯。我來百年後，紫氣愁不王。
烏啼壁門空，落葉蒲陰障。風悲度遺樂，樹古羅嚴伏。
行人悼降王，故老怨奸相。蒼天何悠悠，未得問興喪。
世運今復衰，淒涼一回望。

宿湯氏江樓夜起觀潮

舟師夜驚呼，隔浦亂燈集。潮聲若萬騎，怒奪海門入。
初來聽猶遠，忽過顧無及。震搖高山動，噴灑明月濕。
霜風助翻江，蛟龍苦難蟄。應知陰陽氣，來往此呼吸。
登樓覺神杜，憑險方迥立。何處望靈旗，烟中去波急。

過奉口戰場

路迴荒山開，如出古塞門。驚沙四邊起，寒日慘欲昏。

上有飢鳶聲下有枯蓬根白骨橫馬前貴賤寧復論
不知將軍誰此地昔戰奔我欲問路人前行盡空村
登高望廢壘鬼結愁雲屯當時十萬師覆沒能幾存
應有獨老翁來此哭子孫年來未休兵強弱事併吞
功名竟誰成殺人遍乾坤愧無拯亂術佇立空傷魂

泊德清縣前望金鰲玉塵二峰

歸遠行不緩頗失眠山水獨怜茲峰秀欲去舟且橫
層巒迴長溪日落蒼霧起寒城動遙炊晚渡罷孤市
豈唯地景幽况乃民俗羨牛羊散樹下暖々舊墟里
田腴收穫富縣靜爭訟止畏途遇樂境我意方一喜
彌歌逐漁翁暫宿浦煙裏篠疎風脩々月偃波瀾々

旅類在塵中逢人固多耻安得託此居長年息行李
舟次敢山阻風累日登近岫荒岡僧舍

岸鳴枯葉湖陰北風厲寒濤洶我前幾日不得濟
孤舟恐漂蕩石根暮年繫憂來厭閑卧近寺聊獨詣
雀飢殘林空人倦危磴細年荒無屋僧樹死石門閉
神傷却欲返微霰濕袂窮冬已崢嶸故國尚迢痛
仰看浮雲馳東路阻歸計長歎復何言吾生信多滯

過硤石

硤石頗竒壯長河出連山絕壁兩岫開行舟過其間
高處誰解登陰藤裊難攀旁垂雨痕古仰露天光慳
不知真宰意隨地設險艱一夫據蜀閣二世憑秦關

賴此非要區爭奪得少閑徘徊佇望久日暮飛雲還
謁雙廟

維昔天寶末君王寵奸虜雄邊委強兵遺患同養而
叛聞遽西幸骨肉棄榛莽河北三十州義士誰禦侮
兩公起誓衆慟哭告玄祖橫身遏其衝江淮保安土
孤城無全堞百戰霜月苦力窮援不來齧齒罵益怒
殘兵日飢疲秋風仆旗鼓男兒不生降一死冠今古
故鄉有遺廟俗祭巫屢舞丹青網塵中爽氣猶可覩
嗟今屬喪亂戎馬正旁午臨危肯捐軀如公未多數
獨立為悲傷斜陽下寒楚

登海昌城樓望海

百川浩皆東元氣流不息混茫自太古於此見容德
積陰漲玄濤萬里失空色鴻鵠去不窮魚龍變難測
朝登茲樓望動盪豁胸臆始知滄溟大外絡九州域
日出水底宮煙生島中國寬疑浸天爛怒欲吹地景
常時烈風興海若不受職長堤此宵潰頻勞負薪塞
况今艱危際民若在墊溺有地不可居瀕洞風塵黑
安得擊水遊圖南附鵬翼

停君白玉卮

停君白玉卮聽我前致辭家本吳門市英風慕要離
少年貧無行鄉里不相推喜過毛公舍懶下董子帷
偶從岸頭侯跨鞍赴邊陲欲邀深入勲終然計無奇

歸來冠側注始學窺書詩稍通鄒魯生盡謝燕趙見
馬知事益謬空言竟難施布衣走路傍但為衆所嗤
廷中忌賈誼門下誣張儀二子豈不辯未能免讒疑
嗚呼今之人孰解容不羈我將棄浮名垂釣東海湄
長矣調魯連高歌酌安期素心儻有合豈要餘子知

讀史

周衰禮樂廢大道成榛菅羸秦任商君王制欲盡刪
厚賦山澤空亟戰原野殷頽波自茲靡千秋去無還
誰云重華駕邈矣難仰攀於焉誦其書如造揖讓班
安得鳳凰鳥飛下浮雲間

雜詩

朝臨高堂上俯視崇岡下春暉何悠悠清川自東瀉
陽和敷卉物時澤均播灑如何及芳辰蕭條但空野
頽言釋拘局登高騁吾馬曠途不見人憂心何由寫
興謝固其常吾將尤誰者

池上鴈

野性不受畜逍遙戀江渚冥飛昔未高偶為弋者取
幸來君園中華沼得遊處雖蒙惠養意飽飼貸庖煮
終焉懷慙驚不復少容與耿々宵光遲撼々寒響聚
風露秋麓陰孤宿歛殘羽豈無鳧与鷺相顧非舊侶
朔漠饒燕雲夢澤多楚雨遐鄉萬里外哀鳴每延佇
猶懷主恩深未忍輕遠舉儻令寄邊音申報聊自許

題絲綺軒

幽抱時欲寫，帷中有鳴弦。一彈落一葉，庭樹坐蕭然。
新々山水夜，迢々河漢天。憶聽烏啼起，南軒秋未眠。

答張山人憲

聽君辛苦詞，感我艱難情。百年自有為，安用文章名。
鷄鳴海光動，車馬塵滿城。相逢無新舊，言合意自傾。
奉觴置君前，長歌發哀聲。時乎苟未得，飲此全其生。

澄景閣夜宴

王孫喜留宴，開閣望明河。是夕月微暈，涼風池上多。
棲禽翻暗翫，駭魚動圓波。清景巖絲竹，雅咏答高歌。
尊酌願勿間，良宵易蹉跎。預憂別在旦，車馬層城阿。

贈馬冠軍

一騎東方來，相逢新豐市。自言讀父書，出身良家子。
名在欽飛籍，蘭纓懸鹿盧。曾為魏其客，不作平陽奴。
欲行渡狼河，直擒射鵰將。壯志忽蹉跎，秋風卧孤障。
解裝出我筑，歌作變徵聲。壚頭落日在，歌罷酒再行。
相君本鸞肩，豈是沉淪者。我亦方薄遊，低頭向人下。
有志事竟成，古人不欺余。留將一白羽，待射魯連書。

送劉明府

賤士寡諧世，放屋江海邊。用儔漸乖睽，憔悴不自妍。
顧影鮮懽趣，惡離倍當年。它人亦以悲，况復如子賢。
荒途風霜交，歲晏增慨然。亂雀噪葦棘，驚鴻逝長天。

斗酒豈足陳薄意聊以宣出處道既殊不得長周旋
誰謂非遐方浮雲阻山川何以慰渴飢今名期可傳

暮歸

朝出鷄始啼暮歸鳥欲棲我身本無役胡為亦東西
徒步二十年風埃面空顰入門聞隣杵秋氣凜以淒
芙蓉墜古沼絡緯鳴中閨有無了不問歌吟夜燈低
富貴固有日我志焉能迷笑向細君道勿為翁子妻

春日懷十友詩

余司馬克臣

列戟衛嚴闕應無休沐暇群英罷追遊餘香掩空榭
飛花北郭晚華月南園夜清景不能同蹉跎恐年謝

張板理羽

端居養恬素獨詠聖人篇夕景臨池酌春寒掩閣眠
芳藥初翻雨新篠稍披烟累日虧幽訪慙余塵務牽

楊署令基

詞苑擅高步早歲許追隨屢枉瑤華句長依瓊樹姿
齋屋積冲抱園賞過芳時暫闕今朝會勞人耿耿思

王隱君行

共此一里居誰令阻良覲惆悵步芳園山櫻還獨摘
風含駐花意雨散流池跡尊酒不來同茲晨端可惜

呂道士敏

同謂在塵境獨能依道門園齋坐永日庭綠靄初繁

觀妙夙有契悟靜自無煩
晨榮思頻往聆君超世言
宋軍咨克

看花西澗寺憶子昔同行
蘭入華觴氣波沉綠琴聲
茲歡隨節逝離恨坐相嬰
安得重聯騎射雉出東城

徐記室賁

晨興理櫛罷禽聲悅清旭
雨餘嘉樹新色暎春塘綠
閱景感幽悰步陰思往躅
携手此逍遙須君慰心曲

陳孝廉則

徂春易為感復此棲孤寡
鶯啼遠林雨悵望鄉園隔
客舍換衣晨僧齋聽鍾夕
知君思正紛雜英共如積

僧道衍

楞伽曾往問緣澗冒嵐深
殘雪寒山暮幽扉閉竹林
欲寄棲禪跡尚違捐俗心
別後空遙念迢々雙樹陰

王徵士彝

遠客歎留滯對雨臥閑房
江上歸舟阻靡蕪春自芳
微病偶見侵曠賞坐成妨
斯章亦何取持擬釋離腸

崑山王宗器助刊

崑山王宗器助刊



卷之二